



Inatsisartunut ilaasortaq Sara Olsvig, Inuit Ataqatigiit
C/O Inatsisartut Allattoqarfiat
/Maani

§ 37 naapertorlugu 2013-imi apeqqutip nr. 193-p akineqarnera

04. oktober 2013
Sagsnr. 2013-090303
Dok. Nr. 1356511

Ulloq 26. september 2013 imaattunik Naalakkersuisunut apeqquteqarputit:

Postboks 1015
3900 Nuuk
Tlf. (+299) 34 50 00
Fax (+299) 32 50 02
E-mail: govsec@nanoq.gl
www.naalakkersuisut.gl

Apeqqutit:

- 1) Uran aammalu atortussat allat qinngornernik ulorianartunik akullit pillugit USA arlaatigut oqaloqatigineqarpa, imaluunniit oqaloqatigineqarsimava?
- 2) Qulaaniittoq angerneqassappat, taava uranimut atortussanullu allanut qinngornernik ulorianartunik akulinnut atatillugu suut suleqatigiissutigineqarsinnaasutut USA-mut Naalakkersuisut saqqummiussimavaat?
- 3) Qulaaniittoq naaggaarneqassappat, taava pineqartup tungaatigut suleqatigiittoqarnissaa pillugu Naalakkersuisut USA attaviginialersaarpaat?
- 4) Naalakkersuisut allapput Asia-mi naalagaaffiit pissaanilissuit Kalaallit Nunaannut soqutiginnikkiartornerat ilutigalugu politikki nunap inissisimaneranik sillimaniarnermillu aallaavilik naamassiuminaalliartuinnartoq, tamanna qanoq paasisari-aqarpa?
- 5) Asia-mi naalagaaffiit pissaanilissuit sordiaanukua pineqartut?
- 6) Naalakkersuisut isumaat malillugu suunukua nioqqutissiat sanaallu Kalaallit Nunaata "Asia-mi pissaanilissuarninngarnit" USA-mut niuerutiginerulluarlugillu suleqatigiissutiginerusinnaagai?

1 pillugu)

USA-p, Danmarkip aamma Kalaallit Nunaata akornanni Joint Komitémik isumaqatigiisutaanni atugassarititat iluini Amerikarmiut 2013-imi aasaq sioqqullugu "traineeship"-imik aqqqissuussamut tunngatillugu neqeroorummik saqqummiussinissamik pilersaaruteqarlutik oqaatigaat, tassani kalaallit danskillu oqartussaasui periarfissinneqarput Nuclear Regulatory Commission pillugu isummaminnik annissinissamut. Neqeroorut taanna Joint Komitép Ilulissani ulloq 2. oktober 2013 Ukiumoortumik ataatsimiinnissaanut piareersaanermut atatillugu pisortatigoortumik saqqummiunneqarpoq.

Taassuma saniatigut uranimik pīaanissamut avammullu niueruteqarnissamut tunngatillugu IAEA aamma USA neqerooruteqarput nalinginnaasumik piginnaanngorsaasinnaallutik.

2 pillugu)

USA'p suliniuteqarneratigut siunnersuutigineqarpoq, "The Nuclear Regulatory Commissioni" (NRC) peqataanermut atatillugu kalaallit danskillu oqatussaasui piginnaasaminnik annertusaaffigineqarsinnaasut, NRC suliffeqarfiuvoq namminersortoq amerikarmiut naalakkersuisunit pilersinneqartoq, taassuma siunertaraa inuit avatangiisillu illersorneqarnissaanut siunnersuullunilu inassuteqaateqartarnissaq.

Naatsorsuutigineqarpoq piginnaasaminnik annertusaaffigineqarsinnaasut inatsisinik atuutsitsinermi siunnersuisarnermilu imaluunniit teknikkimut tunngatillugu suliaqartut "The NRC Foreign Assignee Programimut" peqataanissaat naammassinninnissaallu. Naatsorsuutigineqarpoq qinngornernik ulorianartunik imaluunniit avatangiisinik illersuineramik isumaginnittarnerup iluani misilittagaqalernissaq. Nalinginnaasumik NRC qaammatinit arfinilinnit ukiunut marlunnut sisivussuseqartarpoq.

3 pillugu)

Apeqquut 2-mut akissut takuuk.

4 pillugu)

Issittup nunarsuarmi soqutigineqaleriartornera ilutigalugu nunat tamat Kalaallit Nunaannik eqqumaffiginninnerat qitiutitsinerallu pissusissamisoorpoq. Tamatuma nassataanik nunat asiameersut issittumut, tassunga ilanngullugu Kalaallit Nunaannut tunngatillugu soqutiginnikkiartuinnarnerat pissusissamisoortuuvoq. Soorunami naalagaaffinnit pissaanilissuarnit allanit Kalaallit Nunaata ileqqusumik imaluunniit misilittakkat naapertorlugit suleqatigisartagaannit soqutiginninneq Naalakkersuisut tungaannit annertunerusumik eqqumaffigisariaqarpoq, piareersarneqartariaqarpoq akisussaasutullu suliarineqartariaqarluni, soorlu suliffiit anginerusut nutaat siusinnerusukkat ataqatigiissumik nunallu immikkoortuani annertunerusumik suliaqartarsimanngitsut (matumani issittoq pineqarpoq) peqataatinneqarnerisa politikki nunap inissisimananik sillimaniarnermillu aallaavilik siusinnerusumut naleqqiullugu naammassiuminaatsissinnaagaa, tassa siusinnerusukkat suliaqartartut ikinnerusut sunniiveqatigiinnerusarnerat eqqarsaatigalugu.

5 pillugu)

Nunat Japan, Sydkorea aamma Kina annertunerujartuinnartumik issittumi, tassunga ilanngullugu Kalaallit Nunaanni soqutigisaminnik isumaginninnissamut siunnerfeqarlutik suliaqartalerput.

6 pillugu)

Nioqqutissat sanaallu sorliit siunissami pitsaanerusumik USA-mi niurutigineqarsinnaan-
ersut maannakkorpiaq qulakkeerlugu oqaatigineqarsinnaanngilaq, USA-lli Kalaallit
Nunaannut qanittuunera kiisalu niueqatigiinnermut siuarsaataasumik suliaqartarnera
assersuutigalugu Kalaallit Nunaanni takornariartitsinerup, aalisarnermik inuussutissarsi-
uteqarnerup aamma suliffissuaqarnerup ineriartortinneqarnissaanut aningaasaliissute-
qartarnerup iluini niueqatigiinnerup ineriartortinneqarnissaanut pingaaruteqarput.

Inussiarnersumik inuulluaqqusillunga


Aleqa Hammond